

## V.

*Van den Prins aan de Schepenen en den  
Raad der stad Gend.*

Mesieurs. M'ayant Monsieur le Prince de Chimay déclaré vous avoir puis naguerrès fait presenter certaine requeste, pour obtenir main levée de la terre et Srie de Bevrès, avec donation des rentes hypothecquées sur icelle, appartenantes à ceux qui tiennent le party de l'ennemy, sur laquelle toutesfois il n'auroit jusques icy obtenu responce, ny votre bonne resolution par luy esperée, et considerant les bons et signalez offices par luy faitz, et qu'il fait journellement icy avec Messieurs les Estatz Generaux pour l'avancement du service et bien de la Patrie, dont je vous puis rendre bon et asseuré tesmoignaige: c'est cause qu'en consideration de l'équité de sa demande, je n'ay peu delaisfer de vous prier très affectueusement par ce mot, que vous veuillez avoir l'affaire dudict Sr Prince et la briefve et bonne expedition d'iceluy en si favorable recommandation, qu'il puisse s'appercevoir que sa venue pardecà et ses bons offices susd. vous sont et à tout le reste du pays agreables, prenant regard à ce que pour se retirer pardecà et se joindre à nous, il a esté contrainct de quicter et abandonner tous les biens et commoditez tant de luy que de Madame sa compaigne, y joint que ce n'est point petit appuy et renfort pour nous, d'avoir ung Seigneur de sa  
qua-

qualité (m) de notre costel, que pour cela et pour l'exciter d'avantage à continuer si bons offices, il convient aussi le traicter condignement, luy faisant par effect paroistre combien ses services vous sont agreables, de tant plus, que par raison et succession paternelle on ne luy peult offer la susdite terre; vous priant à ce regard autrefois de luy faire sentir et appercevoir voz bonnes volontez en son endroict, et le fruit de ceste mienne recommandation; ce que j'accepteray comme fait pour moy et mes affaires propres, que cognoist Dieu, auquel je supplie vous avoir, Messieurs, en sa sainte garde et protection. Escript à Anvers le xxie jour de Fevrier 1583.

Votre bien bon amy à vous faire  
service,

Guille de Nasfau (n).

VI.

(m) Zie over hem mijne *Unie van Brussel*, bl. 43 en de schrijvers aldaar aangehaald.

(n) Het opschrift was: A Messieurs les Eschevins et Conseil de la ville de Gand.